



BASES DEL IV PREMIU NACIONAL DE LLITERATURA ASTURIANA 2026

L'Academia de la Llingua Asturiana (ALLA) entama'l **IV Premiu Nacional de Lliteratura Asturiana 2026** pa facer reconocencia pública del llabor normalizador que representa la creación lliteraria y del papel fundamental que xueguen los y les escritores en llingua asturiana y eonaviega nel caltenimientu de la cultura d'Asturies.

Darréu de lo anterior, l'ALLA fixa les siguientes **bases** pa la so convocatoria:

Primera

El **Premiu Nacional de Lliteratura Asturiana** tien calter triañal y cuenta con una dotación económica de 6.000 €, nun pudiendo xebrase en más d'un autor o autora y nun pudiendo declarase ermu nin concedese a titulu póstumu.

Segunda

Premiaráse al conxuntu de toa una trayectoria lliteraria, fecha a lo llargo del tiempu en llingua asturiana o eonaviega, y a la so contribución a la dignificación social del patrimoniu llingüísticu asturianu.

Tercera

Podrán presentar candidatures al premiu:

- a) L'Academia de la Llingua Asturiana.
- b) Les entidaes culturales y llingüístiques asitiaes nel territoriu asturianu y nes comunidaes asturianas nel exterior.
- c) Cualquier de los miembros del xuráu, hasta siete díes enantes de la celebración de la xunta.

Les propuestas fairánse al traviés d'escritu dirixíu a l'ALLA, onde se conseñen los méritos lliterarios de la persona propuesta, xunto a una amuesa representativa de la so producción escrita (pelo menos 50 páxines y non más de 70). Les propuestas que cumplan estos requisitos almitiránse y rexistraránse na Secretaría Téunica de la institución hasta'l día 12 d'avientu del 2025 nel so horariu d'atención al públicu.

Cuarta

El xuráu del **Premiu Nacional de Lliteratura Asturiana** formaránlu:


- a) El Presidente de l'ALLA.
- b) Tres miembros de númberu de la institución.
- c) Un representante de la Consejería de Cultura, Política Llingüística y Deporte del Gobiernu d'Asturies.
- d) Dos personalidaes de prestixu reconocíu nel mundu universitariu, especialistas en lliteratura asturiana.
- e) La ganadora de la edición anterior.

La presidencia de l'ALLA fairá tamién el llabor de presidencia del xuráu, mentanto que la representación de la Consejería de Cultura, Política Llingüística y Deporte llevará la secretaría del mesmu o, nel so casu, la persona de menor edá de les que s'amiesten al xuráu. La xera deliberadora del xuráu ha ser secreta y, del resultáu, dará anuncia a lo cabero del mes de xineru del añu de la convocatoria.

Quinta

El ganador o ganadora recibirá'l premiu coincidiendo cola celebración del *Día de les Lletres Asturianes*. Arriendes de la dotación económica, el premiáu o premiada recibirá un medayón distintivu del Premiu y l'ALLA espublizará una pequeña antoloxía representativa de la so producción lliteraria.

Uviéu, a 22 díes andaos del mes d'ochobre de 2025



Xosé Antón González Riaño
Presidente de l'ALLA